



ҚАЗАҚСТАН РЕСПУБЛИКАСЫНЫҢ  
ҰЛТТЫҚ БАНКІ  
№ 46 Б А С П А С Ө З Р Е Л И З І  
2 0 1 2 ж ы л ғы 23 қ а р а ш а

*«Көшпенділер алтыны» монеталар  
сериясынан «Бұлан. Бастырма» ескерткіш  
монетасын айналысқа шығару туралы*

Қазақстан Республикасының Ұлттық Банкі 2012 жылғы 23 қарашадан бастап «Көшпенділер алтыны» монеталар сериясынан «proof» сапасымен номиналы 500 теңгелік «Бұлан. Бастырма» ескерткіш күміс монетасын айналысқа шығару туралы хабарлайды.

«Бұлан. Бастырма» монетасы он екі қырлы нысанда жасалған. Монетаның бет жағында (аверсінде) оң жақ бөлігінде монетаның номиналын білдіретін «500 ТЕҢГЕ» деген жазу екі жолға, Қазақстан теңге сарайының тауар белгісі, монета дайындалған металды, оның сынамын және массасын білдіретін «Ag 925 31,1 gr.» деген жазу орналастырылған. Сол жақ бөлігінде төрт салт атты бейнеленген. Монетаның периметрі бойынша күңгірт жалпақ жиек жүргізілген, онда айналдыра мемлекеттік тілде «ҚАЗАҚСТАН РЕСПУБЛИКАСЫ» және ағылшын тілінде «REPUBLIC OF KAZAKHSTAN» деген жазулар ойып жазылған. Жазулар нүктелермен бөлінген.

Монетаның сырт жағында (реверсінде) орталық бөлігінде жатқан бұлан түрінде жасалған қанжар қынының үстіне алтын жалатылған бастырма бейнеленген. Жоғарғы жағында спиральдың геральдикалық бейнесі. Айналдыра мемлекеттік тілде «БҰЛАН. БАСТЫРМА» және ағылшын тілінде «ELK.PLAQUE» деген жазу жазылған. Монетаның периметрі бойынша күңгірт жалпақ жиек жүргізілген, онда айналдыра мемлекеттік тілде «КӨШПЕНДІЛЕР АЛТЫНЫ» деген жазу, соғылған жылын білдіретін «2012» деген сан және ағылшын тілінде «THE GOLD OF NOMADS» деген жазу ойып жазылған. Жазулар және сан нүктелермен бөлінген.

Монетаның бет жағындағы және сырт жағындағы бейнелер және жазбалар бедерленген.

Қыры (гурты) тегіс, бедерленбеген және жазбалар жоқ.



Монета 925 сынамды күмістен жасалған, массасы 31,1 грамм, сипатталған шеңбердің диаметрі – 38,61 мм, дайындау сапасы – «proof», таралымы – 5 мың дана.

Номиналы 500 теңгелік ескерткіш монеталар Қазақстан Республикасының бүкіл аумағында көрсетілген құнымен төлемнің барлық түрлері бойынша, сондай-ақ шоттарға, салымдарға, аккредитивтерге есептеу үшін және аударым жасау үшін қабылдануға міндетті, Қазақстан Республикасының барлық банктерінде шектеусіз ұсақталады және айырбасталады.

## Қазақстан Республикасы Ұлттық Банкінің түсініктемесі

«Бұлан. Бастырма» ескерткіш күміс монетасы дизайнында Қазақстан аумағындағы археологиялық қазбалар кезінде табылған алтын бұйымдардың бейнелері пайдаланылатын серияның тоғызыншы монетасы болып табылады. Монета бетіне алтын жалату технологиясын қолдана отырып дайындалған.

Бұлан. Қанжардың қынындағы бастырма. Мөртабан, 15,7 x 4,1 см ойма. Есік қорғаны. Б.э. дейінгі V – IV ғғ.

Ескерткіш монеталарды «Қазақстан Республикасы Ұлттық Банкінің Қазақстан теңге сарайы» шаруашылық жүргізу құқығы бар республикалық мемлекеттік кәсіпорны дайындаған.

Монеталардың дизайны Қазақстан Республикасы Президентінің 2003 жылғы 25 қыркүйектегі № 1193 Жарлығымен бекітілген Қазақстан теңгесі – ұлттық валюта банкноттары мен монеталары дизайнының тұжырымдамасына сәйкес әзірленген.

«Proof» сапасымен жасалған ескерткіш монеталар коллекциялық құны бойынша сатуға арналған. Олар кәдесыйлық ораумен шығарылады және Қазақстан Республикасы Ұлттық Банкінің мемлекеттік, орыс және ағылшын тілдеріндегі нөмірлік сапа сертификатымен жабдықталған.

Монеталарды Қазақстан Республикасы Ұлттық Банкінің барлық филиалдарында, Алматы қаласында мына мекенжай бойынша сатып алуға болады: Панфилов көшесі, 98. Анықтама үшін телефоны (727) 273-83-98.

*Барынша жан-жақты ақпаратты мынадай телефондар бойынша алуға болады:*  
+7 (727) 270-46-39, +7 (727) 330-24-52; E-mail: [press@nationalbank.kz](mailto:press@nationalbank.kz),  
[www.nationalbank.kz](http://www.nationalbank.kz)